

堯山堂外紀

堯山堂外紀卷八十六

晉陵蔣仲舒編

國朝

程信

字彥實世居徽之休寧敏政學士之父劉儼榜進士號晴洲釣者

程襄毅公叅贊南都日左璫安寧時爲守備燕公設席中爲已坐而以公位其下公心不平蓋中官雖爲主亦居首席六卿而下皆列坐焉公戲爲一絕云主人首席客居旁此理分明大不祥

若使周公來守備定因屋上放交床安見詩遂
分賓主

李西涯爲程襄毅公賦晴洲釣者曰一曲晴洲勝
浣花尚書不似野人家溪頭雨過雲隨日浦口
鷗來水動沙詩興平生在泉石宦途憂國換年
華江南舊宅經遊地分付春風管釣槎

盛景
字允高吳江人
柯潛榜進士

盛允高初爲御史有聲後奏事被謫爲古田典史

未幾陞羅江知縣所至皆有山水之勝爲詩曰

性懶才疎官亦拙天然處處有青山銓司頗信

爲知命一度遷移一度閑羅江縣公署後有土地祠前令所主頗著

靈異令有事必禱焉祭享無虛月自景莊任不復然一日私廨失所畜雞尋之乃在神前舒翼伏地如被釘者以問與皂輩皆言神以久不祭故見譴耳景怒至神祠斥數其神因舉意欲毀之是夜夢中見神來謝罪懇曰余血食於此者累年不敢爲過昨日雞被釘乃鬼卒輩苦饑故爲之非余敢然也公幸憐之勿毀景不許明旦遂撤去之其前令者旣秩滿即畱家於縣署後夜夢神來訴乞立廟詰之曰何不更訴新令神寢額曰頃公自爲之耳彼處公嚴威不敢干也

今乃即所居
菊建祠祀之

張寧

字靖之號方洲海寧人孫賢榜進士累
泰天順間為諫官第一英廟嘗稱為

我張
寧云

張方洲有感事詩二首益為英宗北狩而作其

一云羽書昨夜報居庸百萬雄師下九重天子
垂衣臨大漠羣臣端笏扈元戎禁中已乏回天
諫聞外誰成闢地功千古澶淵扶日轂令人長
憶冠萊公其二云寶馬朱輪接上游時危誰解

奉天憂鼎湖龍去英雄盡劒閣雲深日月愁玉
輦已隨胡地草青山依舊漢宮秋元勳野死潼
關破誤國何人更首丘

成化初張方洲忤權要出爲汀州知府無何引疾
歸田雅好山水歲率一再至杭州至輒攜親朋
出遊西湖訪孤山吊岳墳登天竺綵舟蠟屐隨
意所之興至呼筆大篇短章頃刻立就題蘇堤
春曉云楊柳滿長堤花明路不迷畫船人未起

側枕聽鶯啼。平湖秋月云風靜。片雲消。寒波浸。
涼月。疑有夜吟人。推蓬落楓葉。花港觀漁云。圍
圍復洋洋。茭青露藻香。前湖張水戲。誰解步濠
梁。柳浪聞鶯云。藜杖憩蘇灣。風溫翠漲閒。驚聞
雙語鳥。如在畫船間。三潭印月云。片月生滄海。
三潭處處明。夜船歌舞處。人在鏡中行。南屏曉
鐘云。幽夢忽驚覺。嚴城方向晨。看花春起早。已
有曉妝人。兩峰出雲云。南峰雲乍晴。北峰雲欲

雨中。有化霖人。高眠兩峰裏。雷峰夕照云爽朗。
忽蒼茫。山高易夕陽。百年歌舞地。消得幾昏黃。
麴院風荷云涼氣。度方洲。香來水正流。時聞採
蓮曲。不見採蓮舟。孤山梅雪云春意。逼溪橋。寒
香閉蓬戶。山人不出門。驛使在途旅。

方洲又善丹青題若水石榴圖云涼風蕭颯紅錦
裳。翠袍漸染燕支香。琅玕枝重壓欲折。青女夜
拆珍珠囊。金銅碾碎鴉鵲石。絳綃迸徹玲瓏色。

葡萄酒盡蔗漿空。一顆靈丹透詩骨。又枇杷圖
云東州奇花凌早寒。吳山月廊香半酣。何人誤
作上林賦。病骨却思黃蠟丸。同時不數楊家果。
三寸吳柑空萬顆。會須載酒醉西園。一樹黃金
壓枝墮。方洲有二妾一寒香姓高氏一晚翠姓李氏年可十六七皆端潔慧悟公老益
愛重之及病將革無子諸姬年長者悉命出之
二氏獨不忍去因泣請曰妾二人有死無貳幸
及公目未瞑願賜一閣同處且封鎗之第畱一
寶以進湯粥誓以死殉公也遂引刀各截其髮
以示無他陽公命從之乃寂居小閣絕不與外
間通聲問及卒乃設席閣中旦夕哭臨絕三年

喪不闕戶者五十餘年嗣子曰嘉秀字文英奉
嘉靖己丑進士其畫錦歸也二氏因語人曰妾
等犬馬之齒已踰七旬幸不辱先公于地下他
日相從可無汗顏矣又况有佳後邪于是即日
令啓鑰而出之則幡然雙老嫗矣親戚莫
不憐且歌之遂為之奏聞旌之曰雙節云

丘濬

字仲深號瓊山孫賢榜進士最號博學

有一屋散錢却少一條索子公聞之曰劉
先生有一屋索子却少散錢蓋報之也其
所作史論必以嗚呼起
之人遂稱為丘嗚呼

瓊州定安縣南有五指山即黎母山瓊崖之望也

丘文莊公少時詠詩曰五峰如指翠相連撐起

炎州半壁天夜盥銀河摘星斗朝探碧落弄雲
煙雨餘玉筍空中見月出明珠掌上懸豈是巨
靈伸一臂遙從海外數中原識者知其異日必
貴後竟如言

丘瓊山嘗過金陵寓新河客邸鄉友馮元吉誦宋
人周明老龜山廻文詩瓊山笑曰此詩用意曲
折命辭瀏亮信爲難及矣但其中潮浪浦泉波
水等字太多不免重複旣曰綠水又有雲接海

之句則一意而兩出矣當漁舟釣月之時又安
得紅霞映日乎乃以夜宿江館為題次韻一首
曰潮生海岸兩崖傾落月江楓映火明橋透白
波流水遠屋連紅樹帶霜清迢迢漏盡寒更曉
片雲收夜雨晴遙望楚天江渺渺菱蒲盡處
落鴻輕

丘文莊公學博貌古然心術不可知嘗與同寅劉
閣老言不協劉作一對書其門曰貌如盧杞心

尤險學比荆公性更偏時論頗以為然丘嘗以

淨拌水粉之漚乾計粉二分白麪一分搜和團為餅其中餡隨用煖熟為供軟膩甚適口以此餅托中官進上上食之嘉命尚膳監效為之進食不中式司膳者俱被責蓋不知丘之法製耳因請之丘不告以故中官嘆曰以飲食服飾車馬器用進上取寵此吾內臣供奉之職非宰相事也識者貴其言而鄙丘由是京師傳為閣老餅又所進衍義補中間並無斤及內臣一言說者謂其書必欲進上心揣近侍喜斯刻之此其心術之微也

丘仲深初與餘姚戚文湍瀾同館友善文湍以母喪歸服闋將入都至錢塘疾作死杭有神降自

稱戚編修死為錢塘潮神人敬祠之弘治甲寅
瓊山夫人吳氏至京師道出鄱陽夜夢戚揖之
且告以來日將有風波之厄戒勿行比明天極
晴朗夫人故以他事緩之同艤數十舟行無何
皆遇暴風雨漂沒獨夫人舟無恙至京以告公
公為詩文遣官齎御酒香帛至浙江屬布政使
李贊望錢塘祭之其詩曰幽顯殊途隔死生九
原猶有故人情曼卿真作蓉城主太白常畱翰

苑名念我明明來入夢哀君惻上每吞聲朝回
坐對黃封酒悵歎雞壇負舊盟明年公薨夫人
扶柩歸經錢塘時贊猶在任仍設祭江許以戚

公配享

戚李士瀾美髯院中呼戚髯與陳司成
鑑會宴投漆木壺陳顧戚曰戚髯投漆

壺真壺也假壺也戚應聲曰
陳鑑看臣鑑善鑑欬惡鑑欬

吳伯通

字原明蜀順慶
人彭教榜進士

吳伯通為浙省提學副使士子專取功夫時初李

作文多不根為其罷黜者衆羣往御史臺求試

御史復發吳公吳出題鼉鼉蛟龍魚鼉生焉論
題乃一滾出來文難措辭而論又涉于性理取
者無幾甚爲吳所辱有朝之者曰三年王制選
英才督學無名告栢臺誰知又落吳公網魚鼉
蛟龍滾出來聞者絕倒正德中御史某按浙以
龍宮海藏命題試且云
記出處者東立不記者西退東西各半已而東
立者所作不稱意無賞西退者作詩誚之云東
廊且莫笑西廊我笑東廊枉自忙海
藏龍宮無坏分大家隨我渡錢唐

陸容

字文量著述甚富有式
齋稿菽園雜記等書

陸式齋少美風儀天順三年應試南京館人有女
善吹簫夜奔公寢公給以疾與期後夜女退遂
作詩云風清月白夜牕虛有女來窺笑讀書欲
把琴心通一語十年前已薄相如遲明托故去
之是秋領薦時年二十四

陸式齋在成化間畱滯郎署最久其遷職方也李
西涯時爲學士戲語之曰先生其知幾乎曷爲
又入職方也式齋應聲曰太史非附熱者奈何

只管翰林耶聞者以爲善謔

陸式齋一日與張給事宴投壺中耳給事曰信是
陸兵曹開手便中帖木耳式齋荅云可惜張給
事閉口常學磨堯堅給事有慚色

焚書祇是要人愚人未愚時國已虛惟有。一人愚
不得又從黃石讀兵書此題焚書坑不知何人
所作陸式齋常誦之

吳中鄉村唱山歌大率多道男女情致而已惟一

歌云南山腳下一缸油姊妹兩箇合梳頭大箇梳做盤龍髻小箇梳做羊蘭頭不知何意朱廷評樹之嘗以問陸式齋陸思之翼日報云此歌得非言人之所業本同厥初惟其心之趣向稍異則其成就遂有大不同者作如是觀可乎樹之云君之穎悟過我矣作如是觀此山歌第一曲也

莊梟

字孔陽江浦人羅倫榜進士成化丁亥冬上命製明年元宵煙火花燈令翰

林各賦詩為上元賞觀之具時黃仲昭章
懋為編脩累為檢討不應制先是倫以論
李賢被謫號翰林四諫

莊景喜為詩詠包節婦云二十夫君棄妾身。諸郎
癡小舅姑貧。已甘薄命同衰葉。肯掃蛾眉別嫁
人。化石未成。猶有淚。舞鸞雖在不驚塵。瑣窗獨
對東風樹。歲歲花開他自春。羅一峰見之曰可
以泣鬼神矣。景不以為然。惟乾坤鵲魚老眼脚
頭之類。自謂為佳云。

陳公甫作詩多用日月莊孔陽多用乾坤有朝者
曰公甫朝朝吟日月莊生日日弄乾坤

莊定山詩贈我一壺陶靖節還他兩首邵堯夫有
滑稽者改作外官答京官苞苴云贈我兩包陳
福建還他一匹好南京聞者捧腹

張弼

字汝弼華亭人羅倫榜進士家近東海因以自號

張東海下第渡江賦詩云楊子江頭獨問津風波
如舊客愁新西飛白日忙于我南去青山冷笑

人孤枕不離鄉國夢。救喪猶帶帝城塵。交遊落
落俱星散。吟對沙鷗一愴神。

張東海作假髻篇諷刺時事其詞曰東家女兒髮
委地。日日高樓理高髻。西家女兒髮垂肩。買妝
假髻亦戕然。金釵寶鈿圍珠翠。眼底誰能辯真
僞。天桃窻下來春風。假髻美人先入宮。當路銜
之乃出領郡符。爲南安守。南安小郡也。以張故
爲名邦。

張東海將赴南安作長短句一篇云東海先生歸也。南安太守新除。一挑行李兩船書。被人笑道痴愚書也。書寒不堪穿。饑不堪煮。收拾許多何用處。況而今白髮蒼顏。坐黃堂之署。乘五馬之車。那得工夫再看渠。又將載到南安去。古人糟粕誰味真腴。枉說道黃卷中時與聖賢相對語。張汝弼赴南安道經毘陵時。陸詹事簡方得告南歸。張訪之適展幕不及見。乃索紙筆題一絕於

陸世經堂徑去詩曰雲意模糊雪意兼六龍城
下晚風尖始知東閣先生貴不放南安太守叅
詹事歸亟追之已行遠矣旣去復令驛吏裹送
武城梨數顆亦侑以詩有毘陵驛裏饋生梨之
句蓋叶梨爲離亦戲也此後不復一見以終遂
以爲讖

成化間妖人王臣者跛一足人稱王瘸子遊食京
師以左道事中貴得授錦衣千戶請爲上合

大丹以採藥爲名與中貴偕出川廣直浙等處
買辦搜索寶玩需求珍異騷擾郡縣及回京爲
各處撫巡守令交章飛劾而科道併彈於是

上大怒斬臣首傳詣所歷地方梟令民心大快
初臣至廣東張東海時守南安目覩其驕橫嘗
作詩歎曰過嶺囊箱下瀨船丁夫晝夜少安眠
薄田蕩盡猶輸稅惡客時來橫索錢窮髮東南
皆赤子舉頭西北是青天不才無計甦民困食

祿乘軒自赧然

王景明之南京張東海贈之詩曰分陽城外送離
船矯首南都思惘然一語煩君三致意同鄉同
志及同年冬官王公偉輩以爲未盡交游者乃
益之曰同官同事同游者間及都將此意傳因
著六同詩話

張東海休致旣早子皆成名殊無一事累心蘇州
別駕周德中目爲神仙太守張以詩答云歸休

太守似神仙。布被蒙頭。日夜眠。却怪門前來熟
客。馬蹄踏破紫芸烟。

張東海咏寒號蟲云。得過且過。飲啄隨時度朝暮。
得隴望蜀。徒爾爲未知。是福還是禍。得過且過。
張東海過蘇步坊賦詩曰。東坡昔日此閑行。此地
遂畱蘇步名。何事章惇瘞毛骨。子孫羞認是先
塋。

宋徽宗時朱勔領花石綱。有龍鱗薜荔一株。費銀

二千兩東海偶見薜荔感而賦之薜荔長龍鱗
相看似可人。聖朝無良獄。那值二千銀。

陳獻章

字公甫居廣之新會縣白沙村天下稱白沙先生至兒童婦女亦皆目為

陳道統云嘗夢拊石琴見一偉人笑謂曰
八音中惟石音難諧今諧若是子異日得
道乎因別號石齋
既老更號石翁

陳白沙當成化初會試雖負重名亦投時好競出
新奇作老者安之朋友信之少者懷之一題其
破云物各有其等。聖人等其等。考官戲批其傍

云若要中進士還須等一等傳者莫不絕倒

陳白沙下第有神見夢於人曰陳先生卷爲某投之水矣先是獻章寓居神樂觀科道羣公往來請益旣而某被劾疑出曰沙故特惡之且曰彼戴秀才頭巾爾動人若是脫居要路當何如耶揭曉編修李東陽爲同考官主書經房索落卷不可得欲上章自劾冀根究焉不果時京師有會元未必如劉戡及第何人似獻章之謠以及

與夫販卒莫不嘖嘖歎恨

戢字景元安福人後乙未拘眼及第

成化壬寅陳白沙應詔之京道過南安太守張東
海欲用曹參禮益公故事款畱數月受教白沙
不可東海不能強白沙有詩曰玉枕山前途使
君西風吹破玉臺巾巾乃白沙自製類華陽巾
直方而無襞幘者東海恨謂白沙譏已遂以一
絕激之曰白沙村裏玉臺巾不奈風吹易染塵
莫笑烏紗隨俗態宋廷章甫是何人白沙得詩

謂東海侮已太甚。便口占玉枕山詩曰：一枕橫
秋碧，玉新金。鰲閣上見嶙峋。使君得此元無用。
賣與江門打睡人。東海和答曰：炎瘴多收一雨
新。獨看天柱聳嶙峋。橫秋玉枕真無用。自是乾
坤不睡人。天柱峰亦南安照山也。蓋東海欲自
依天柱而以玉枕與白沙云。旣而又作二絕。客
囊羞澁客衣單。却買南安玉枕山。縱有枕頭那
得睡。雞聲催入紫宸班。寄語江門打睡人。而今

天地正芳春。覺來莫管。閑花鳥。須掃崑崙頂上。
塵。又繼之一絕。曰青茸鋪榻。玉枕橫。白雲爲被。
天作幃。東海先生睡不着。日月當天正大明。未
幾武選郎餘干蘇文簡由廣東使還。具道白沙
之師吳康齋亦千載人物。東海方悟不惟深喜
得聞前輩名德。有所持循。且以謝玉臺巾之過。
漫賦一詩曰耳根何處得浮塵。浪說康齋識未
真。風月周臺燈火夜。伊川路上見斯人。因遺書

白沙曰玉枕山不必買當長揖白送矣

張東海又有贈陳白沙一絕云平生渾未識丹砂
赤土時將向客夸忽憶自家丹一寸辰砂猶自
隔天涯蓋譏其不得進士乃假道學以欺人也
此時猶未釋然於白沙故云

按察使薛綱始疑白沙及見即欲解官從學有詩
曰欲拋事業畱門下老驥那能學駿奔進士姜
麟以史事使貴州特取道如白沙以師禮見至

京師有問之對曰活孟子活孟子

憲廟升遐哀詔至廣白沙哭之慟有詩曰三旬白

布裹烏紗六載君恩許臥家溪上不曾攜酒去

空教明月管梅花成化丙午嘉興巫者召仙降筆問時事以十二辰為詩云

勸君莫讀相鼠詩勸君莫歌飯牛辭時虎之勢不能下狡兔三窟將焉之神龍未遇因淺水虺

蛇鯁鱔爭雄雌千金駿馬買死骨神羊觸邪安所施沐猴也作供奉官鬪雞亦是五百兒獠犬

下陞走牧猪奴獻令人嗤次年憲宗厭代

白沙初年甚窶嘗貸粟於鄉人都御史鄧廷瓚檄

有司月致米一石歲致人夫三名却之以詩云
孤山鶴跡孤山月不要諸司費俸錢行人左輔
出使外夷以其師意致白金三十星亦拒而不
受

白沙能作古人數家字天下人得其片紙藏以爲
家寶山居筆或不給至束茅代之晚年專用自
成一家時呼爲茅筆字有詩曰神往氣自隨氣
氤覺初沐聖賢一切無此理何由矚調性古所

聞熙熙兼穆穆耻獨不耻獨茅根萬莖禿

弘治間李若虛任廣之憲使有以舊交謁者若虛
轉致以見白沙併求言贈之白沙少學於臨川
吳聘君詢知其所居與舊同學聘君之壻厚
郭胡君全者爲里閭乃以幅紙寫一絕云居鄰
厚郭一雞飛桂樹于今大幾圍老憶舊時燈火
伴青山何處望霏微桂樹乃昔遊豐城時見胡
庭之所植也蓋以憲使代請不得不言在其人

又不欲輕言故贈之如此

陳白沙善畫梅人持紙求索者多無潤筆白沙題其柱云烏音人人來或詰其旨乃曰不聞烏聲曰白畫白畫客爲之絕倒

弘治庚申三月白沙病亟前數日蚤具朝衣朝冠命子弟扶掖焚香北面五拜三叩首曰吾辭吾君復作一詩云託仙終被謫託佛乃多修弄艇滄溟月聞歌白玉樓曰吾以亂世歿之日頂出

白氣勃勃如蒸竟日乃息

胡居仁

餘干人敬齋先生

胡敬齋嘗夜行山曲間後有鬼呼胡先生數聲公若不聞鬼復曰我有一對請先生對風急有舟人莫渡公亦不荅復咲曰我替先生對之月明無伴路休行公前行不顧鬼遂不見

胡敬齋嘗過徐孺子祠下作詩曰漢豎紛二不可爲先生明哲已先知如何不把幾微事說向陳

蕃下榻時

陳愛

成都人

成化間陳愛隱居華陽有臬使兩以書召見輒逃
不應臬使怒使人拘至將譴責之處士從容以
詩投曰折簡慙慙累見尋布衣寧敢謁朝簪明
公有道持身正賤子無能感德深栢府風霜尊
偉望柴門山水遂閒心雲泥兩地無勞顧魚戀
深淵鳥戀林臬使覽詩從容禮遣之

終

堯山堂外紀卷八十七

晉陵蔣仲舒編

國朝

李東陽

字賓之號西涯茶陵人父名淳金吾衛軍餘微時為渡子日嘗見一婦人

早渡午歸迨晚復渡如此者幾月李一日詰其故婦曰有夫繫獄日往給其飲食又復歸膳翁姑耳李聞其言甚憫之遂却其直早晚任其渡他日一叟見李告曰聞汝素有善念必獲善報汝有親骨未埋吾當為擇吉地瘞之後當有發因與擇一山指曰有白狐臥處即佳壤也汝可潛昇親骨埋其中李一夕往彼果見白狐稔眠不起

堯山堂外紀卷八十七

李恐天明人知因折樹枝有聲狐驚聳身
三立而去遂即其穴埋之明日叟來詢葬
事李告以故叟曰侯狐自起乃為妙爾今
驚去當中衰汝子當不失為三公後西涯
公果大貴子兆先早卒
年未三十公竟至無嗣

李東陽四五歲即能運筆作大字順天府以神童
薦召入內庭過門限太監云神童脚短李高聲
荅云天子門高即聞于上 景皇命書麟鳳龜

龍十餘字大喜抱置懷中賜果鏹令翰林院作

養公此時入朝小紅履一雙白綾襪一雙後
為朕天臺所得貯以一篋自撰小文記之

李西涯程篁墩同朝見適直隸貢鱗至 英廟卽
試以對句曰蛸蛸渾身甲冑程應聲曰鳳凰遍
體文章 上加稱賞時李尚伏地徐對曰蜘蛛
滿腹經綸 上遂大異之曰是兒他日作宰相
耶俱賜寶鏹而出後李出入館閣四十年而程
終于學士竟如其對云

李西涯在翰林時諸翰林齋居閉戶作詩有僮僕
窺之見面目皆作青色彭敷五以青字韻嘲之

幾致反目西涯爲解之有曰擬向麻池爭白戰
瘦來雞肋豈勝拳聞者皆笑

李西涯與程篁墩同教習庶吉士每至院檢閱會
簿悉注病假而去西涯口占一絕云迴廊寂寂
鎖齋居白日都消病曆除竊食大官無寸補綠
陰亭上看醫書

謝方石鐸在翰林學詩時自立程課限一月爲一
體如此月讀古詩則凡官課及應答諸作皆古

詩也西涯嘗爲崖山詩內一聯謝意不滿西涯
以爲更無可易謝笑曰觀子胷中似不止此最
後曰廟堂遺恨和我策宗社深恩養士年謝又
笑曰微我子不到此西涯又爲端禮門古樂府
謝以爲末句未盡往復再四最後乃曰碑可毀
亦可建蓋棺事久乃見不見奸黨碑但見奸臣
傳謝不待辭畢躍然而起

羅明仲嘗謂三言亦可爲體出樹處二韻迫西涯
堯山堂外紀卷八十七

題扇即援筆云揚風帆出江樹家遙遙在何處
又因圍碁出端觀二韻即曰勝與負相爲端我
因君得大觀

羅明仲謝鳴治李賓之陳師召同飲陸鼎儀宅夜
歸馬上聯句羅倡云駐馬赤欄橋謝云東風見
柳條水聲過苑近李云山色去城遙令節招尋
晚陳云名園聚會饒夜歸休秉燭羅云須憶紫
宸朝

李西涯與客聯句嘗拆敝褥中故絮以代燭其次
白洲畱別詩有看花不厭傷多酒燃絮猶供未
了詩蓋紀其實也

上元節京師燒糯汁爲瓶以貯水畜魚旁映屏燭
通明可愛俗呼泡燈黃巖王古直買置于館日
玩弄爲兒戲李西涯以詩嘲之曰買得長安市
上春玉壺清水貯金鱗却看塵土疑無地未掣
波濤亦有神眼底功名聊此幻杖頭風月且教

貧。西堂燈火元宵夜。又向東風作旅人。一日古
直誤觸碎魚瓶。意怫然不樂。曰。吾平生家計在
此。今蕩盡矣。西涯復疊前韻慰之。曰。白髮華燈
一夜春。江南江北兩窮鱗。飛騰有地歸塵土。訶
護無錢役鬼神。物以泡名終合盡。家隨身在更
何貧。清詩素壁猶堪玩。休羨揚州鶴上人。古直
字仁甫。以字行。又號鐵老。以布衣遊京師。鄉人
有坐事者。古直俟諸官。官併捕入刑部獄。獨暴
立烈日。不與衆囚伍。李主事廷美異之。檢衣帽
間得柯學士諸詩。問之。曰。爾能詩耶。使賦。日影。

詩成纔之歸長揖而出獄吏皆大笑自是得名
旅食三十年無僮僕不置金甌有大籠五六惟
詩畫數百幅中貯酒壺辰出飲一兩勺已復鑄
之以去或勸使仕大言曰我來為爵祿圖耶虛
科舉乎則歎曰安得以少年處我嘗在酒所
嘆曰此亦功名事業也蓋亦一世奇士云

王古直李西涯同集謝方石宅西涯與方石聯句
戲贈仁甫李倡云木枕綈袍着地眠謝云謝公
堂上有神仙李云身存尚覺無家累謝云客久
何妨與世懸李云書笥不勞僮僕守謝云酒杯
羞共俗人傳此生蹤跡真奇恠李云一度詩成

一宛然

蘇人織蒲爲茵二片置床倚間藉背及足甚宜冬
寒凌季行以書來惠西涯道經彭敷五太史輒
爲所畱西涯作詩報季行并柬敷五曰輕蒲一
簇軟如花巧織重鋪意未華吟處迥宜孤背倚
坐來溫愛兩趺加未沾南國佳人惠已落東瀛
病叟家幸有題封三十字慇懃畱向手中誇
蕭文明以榛子惠西涯西涯以詩謝曰野簇蹊叢

滿地垂飽霜。經雨亦多時長。疑塞外隨車遠錯。
恨山中結子遲。竹籠舊封勞夜到。茗芽香盃入
春宜。知君情比投桃重。不愛瓊瑤却愛詩。

陳師召有旨馬售錢六百西涯諗之以詩曰六百

青蚨十里才忍將。筋骨付塵埃。驚鬼已脫池邊

險。往事無勞塞上猜。師召已連失二馬斗酒杜陵堪再

醉。用三百青銅語千金郭隗幸重來。知公自是忘機者。

一笑能令萬事該。西涯嘗得良馬以贈師召師召騎入朝歸至門成詩二章

怪而還其馬西涯問故師召曰吾舊所乘馬朝
回必成六詩方至門此馬止二詩耳非良也西
涯笑曰馬以善走為良此目
非良耶公唯唯復繫而去

李若虛秋官舊有屋一區為積潦所壞數年不售
竟得銀四兩聞陳師召售馬自謂與此價略相
近索西涯詩因用前韻曰臺署元非駟儉才直
看金壁等浮埃頽垣已付池蛙管賀客翻同野
燕猜白老有詩行復問
樂天詩云江邊欲買三
間屋問適人家不要詩
冠公無地去還來詞林馬價誰多少不待相逢

意已該。

李西涯以絲瓜饋李若虛誦瓜瓞詩爲祝若虛有
詩馮佩之以和章見索西涯因用韻饋瓜如例
并呈二公曰地接東陵路不賒冷官生計只籬
瓜閒行似愛涼陰薄醉筆多隨野蔓斜名自雅
歌傳聖代例分風味與詩家從今記取宜男祝
賀客來時好薦茶。

李若虛餽匏瓜西涯仍疊前韻奉謝曰野意相看

總不賒園飽。雖大亦稱瓜。青叢摘罷。烟仍濕翠。
籠擎來日半斜。吟有舊題成左券。酌無清酒愧
西家。郎曹興味清如此。絕勝春風諫議茶。

傳白川以無花果餽西涯。答其絲瓜之贈。西涯疊
前韻曰。翠籠珍果望還賒。報我真應愧木瓜。采
掇恐沾秋徑濕。傳看不學夜燈斜。飽知實德非
虛語。脫盡浮華是大家。異物清詩兩奇絕。渴心
何必建溪茶。

李西涯以瓜饋楊維立。編脩楊以桃荅西涯。疊前
韻曰。手種丹桃。歲月賒。感君報我勝投瓜。來疑
度索山。城遠去。恐天台。石磴斜。已託神仙稱壽
域。敢教兒輩惱隣家。餐餘便有通靈意。不待盧
仝六盤茶。又以瓜饋曾文甫。編脩曾以冬瓜荅
西涯。亦疊前韻曰。晚花秋蔓野堂賒。不道冬園
別有瓜。未遣堦苔封徑合。肯緣籬竹掛簷斜。後
時豈敢爲君惜。多子還應勝我家。預報明年湯

餅會嘉期須及雨前茶

馮佩之饋西涯石首魚有詩西涯次韵謝曰夜網
初收曉市開黃魚無數一時來風流不關蓴絲
品軟爛偏宜豆乳堆碧盃分香憐冷冽金鱗出
浪想崔嵬高堂正憶東鄰送詩句情多不易裁
馮佩之以笋乾饋西涯自稱玉版老師吳原博饋
西涯以冬笋佩之目爲吳山少俊西涯疊前韵
謝佩之曰玉版山深石路開東軒眞被籠盛來

飽諳南國煙霞味。不入長安酒肉堆。老覺禪心
終苦淡。瘦看詩骨共崔嵬。叢林年少休相笑。脫
却緇衣更懶裁。又疊前韵謝原博曰翠籠青笋
一時開。烏有清風竹巷來。原博居脩竹巷池鳳羽毛應
比秀。獐龍鱗甲漫成堆。襍材有派分洋谷。棚錦
無心鬪馬嵬。莫笑北人曾煮蕢。久從湘客問烹
裁。

謝于喬遜送楊梅乾於西涯無詩西涯用前韵索

之曰深夜柴門闔更開楊梅香送滿甕來霜乾
淺帶層冰結紅爛紛成萬粟堆坐愛春盤裝磊
落憶從秋樹採崔嵬莫教俗却先生饋佳句重
煩答後裁他日以柑答贈復用前韻併柬王世
賞曰凍地經寒裂欲開南柑初載北車來霜隨
玉爪冰絲落日照金盤火齊堆高價敢論燕市
踊遠懷還憶楚山嵬也知黃陸當時傳健筆應
勞太史裁

蕭文明生日西涯以龍尾硯爲壽并致一詩云我
持龍尾溪頭石來壽鳳毛池上人清愛石將人
比德壽看人與石爲鄰長畱天地詩家事坐鎮
浮澆靜者身記取翰林揮翰客年年來此頌芳
辰

西涯素不善飲蕭文明詩來有西涯爛醉欲人扶
之句且以二樽見惠西涯步韻答之夢斷高陽
舊酒徒坐驚神語落虛無若教對飲應差勝縱

使微醺不用扶。往事分明成一笑。遠情珍重得
雙壺。次公亦是醒狂客。幸未麤豪比灌夫。

沈禮部時暘以隻鷺斗酒饋西涯家。僮誤送于顧
刑部。天錫時暘去。始知之。戲作小詩寄之。云。隔
城風雨送歸驂。斗酒籠鷺意未堪。何令別時無
長物。殷郎書到只空函。十年世事成春夢。千里
神交入夜談。他日相逢應大笑。亂山深處是江
南。

三山林亭大脩撰得第四男西涯用舊韻賀之云
莫謂三山道路賒。人間仙果不論瓜。筵前會客
犀錢散。醉裏題詩蠟炬斜。三鳳豈須誇薛氏。八
龍今已半荀家。他時細說熊羆夢。夜榻流連到
幾茶。

西涯次張亨父韻題醉楊妃菊云。誰采繁花席上
題。偶將名姓託唐妃。日烘花萼醺時面。雨換華
清浴後衣。隔坐似邀秦國語。揮毫不放謫仙歸。

欲從顏色窺生相已落詩家第二機

李西涯嘗有岳陽樓詩云吳楚乾坤天下句江湖
廊廟古人情鏡川楊文懿公亟稱之有同官者
不以爲然駁之曰吳楚乾坤之句本妙在坼字
浮字今去此二字則不見其妙矣楊曰然則必
云吳楚東南坼乾坤日夜浮天下句而後爲足
耶後以語西涯爲之一笑

李西涯丙午長至祀陵紀行詩末韻云朝趨未報

鳬飛信庭觀先陳鯉退詩二紀茲行今十度春
來風物合分誰未幾先生遂下憇菴憂閒爲何
孟春言之以爲詩識

李西涯北上時得句曰山色畫濃淡兩日不能對
忽曰鳥聲歌短長羅冰玉殊不肯肯曰對似未
過然竟不能易

弘治中虜使語館伴有一偶語無對者因舉曰朝
無相邊無將氣數相將李西涯聞之隨應曰天

難度地難量乾坤度量

宋時有士人嘗以非辜至訟庭守不直之士人

憤懣大聲稱屈守怒曰若為士乃敢爾為我屬對不能且得罪因唱曰投水屈原真是屈士人應聲曰殺人曾子又何曾守曰吾句有二屈字而汝句尾乃曾字汝之不學明矣顧何所逃罪耶士人笑曰此乃使君不學爾按屈姓流俗皆如字呼而屈到屈原皆九勿切史君嘗研究否守慙釋

遺之

李西涯當國時嘗冬月五更入朝至長安街值崔後渠銑方在道上酣飲後渠拱立轎前請少飲數酌以敵寒氣西涯即下轎連舉數大白升轎

去

李西涯當國時其門生滿朝西涯又喜延納獎拔
故門生或朝罷或散衙後即羣集其家講藝談
文通日徹夜率歲中以為常一日有一門生歸
省兼告養病還家西涯集同門諸人餞之即席
賦詩為贈汪石潭俊詩先成中一聯云千年芝
草供靈藥五色流泉洗道機諸人傳翫以為絕
佳呈稿西涯西涯抹後一句令石潭重改衆皆

愕然石潭思之亦終不復能綴衆以請於西涯
曰吾輩以爲抑之此詩絕好不知何故以爲未
善西涯曰歸省與養病是二事今兩句單說養
病不及歸省便是偏枯且又近於合盤衆請西
涯續之西涯即援筆曰五色宮袍當舞衣衆始
歎服李西涯善詩門下多詞客劉胸卷閣老忌
之嘗云後生輩繞得科第却去學做詩做
詩何用好是李杜李杜也只是兩個醉
漢撒下許多好人不學却去學醉漢

李西涯善謔居政府時庶吉士進見公曰今日諸

君試屬一對庭前花始放衆哂其易各思一語
應之曰總不如對閣下李先生衆一笑而散

李長沙在京邸款會試貢士若干人酒數行俱起
辭謝公曰且止有場中題願商之東面而征西
夷怨南面而征北狄怨諸君亦知所以然乎衆
思頗久未解公咲曰無他意也只是待湯滿坐
捧腹

焦閣老方面黑而長如驢嘗謂西涯曰君善相煩

一看李久之乃曰左相像馬尚書右相像盧侍
郎必至此地位馬與盧合乃一驢字始知其戲
一日西涯與焦公及禮書傅公瀚早朝焦見校
尉有露臥者焦戲傅云曉日斜穿校尉頭蓋以
傅爲新淦人時有江西校尉之號傅不能荅李
願指焦耳傅悟遽云秋風正貫先生耳蓋俗有
秋風貫驢耳之說焦像驢故戲之

翰林院素稱清貴無簿書之擾舊有語曰一生事

業惟公會半世功名在早朝所謂清者如此李
西涯時爲學士因衆失朝罰運灰炭續兩句云
更有運灰并運炭翰林身上不曾饒一時開然

聞有一檢討討裏河之夫其驛丞不接甚不平
或謂之曰人多不知檢討何官可只呼學士就
好次日果稱學士仍前不出乃賦詩云翰林檢
討被人輕却冒瀛洲學士名依舊所司全不理
由來知要不知清

弘治丙辰科進士有孟春季春夏鼎周鼎西涯閣
老嘗即席命對孟仲季春惟少仲已而即應聲

云夏商周鼎獨無商

湖廣彭民望有學而老貧謁故友于京不遇回李
西涯以詩寄云斫地哀歌興未闌歸來長缺尚
須彈秋風布褐衣猶短夜雨江湖夢亦寒彭讀
之黯然不樂至木葉下時驚歲晚人情閱盡見
交難長安旅食淹留地慚愧先生首箱盤乃潛
然淚下爲之悲歌數十遍不休謂其子曰西涯
所造一至此乎恨不得尊酒重論文耳自是不

閱歲而卒

弘治間浙江有一方伯未第時與一

生交好甚密及仕江西故人遠造焉
送館於章江門外石亭寺僧房畧無盼念之意
其生題一絕於壁云十年心事酒杯間坐對江
鷗去復還一帶西山青入眼幾人青眼似西山
竟不辭石去寺僧抄詩入報方伯大慚遣人追
之生竟不返又嘉靖末客有與成國公厚者然
持與飲食而已俞院判見客衣敝寄詩云長安
車馬自肥輕獨爾鶉衣冷不勝聞說孟嘗多好
客好將心事托平生成國聞詩特送衣一篋

李少師少小入詞林暨在館閣垂四十餘年正德

中爲首揆揚州陸滄浪矚其亡投以尺素公歸

啓之一絕云文章聲價斗山齊伴食中書日已

西回首。湘江春草綠。鷓鴣啼罷子規啼。末句蓋以鳥語

哥哥行不得也。不如歸去。公得詩但解嘲而已。

李西涯子兆先文名甚高。然遊俠無度。以是致病。

公一日過其書館中。適外出。不在。時弘治甲子。

當大比。乃書其几曰。今日花街。明日花街。秋風。

桂子。秀才秀才。明日兆先亦書四句於西涯几。

上曰。今日東風。明日西風。陰陽燮理。相公相公。

兆先字徵伯。號鍾菴。甚有家學。是秋以誤落題字。竟不得第。以死公之相業。後到逆瑾弄權時。

不知其於雙
理如何耳

李兆先嘗見西涯祀陵詩野行愁夜虎林臥起秋
蠅之句問曰是爲秋蠅所苦不能臥而起耶西
涯曰然曰然則愁字恐對不過西涯曰初亦不
計妨字外亦無可易者曰似亦未稱請用迴字
如何蓋謂爲夜虎所遏而迴也西涯曰然遂用
之

李徵伯嘗與何孟春席上題夢筆圖徵伯詩云工

文慕奇筆精思入幽夢會有取去時何如不相
送西涯頗不樂謂徵伯曰汝非子元敵矣其年
徵伯下世

李西涯與楊邃菴素相善初劉瑾欲害楊西涯力
抹乃免及西涯病劇楊慰之曰國朝以來文臣
未有謚文正者公如不諱請以謚公西涯倚榻
頓首遂卒有無名子改宋人譏京堂詩云文正
從來謚范王如今文正却難當大家吹上梧桐

樹自有傍人說短長

陳音

字師召號槐齋莆田人李東陽同榜生

寬坦在翰林時夫人嘗試之會客至呼茶曰未煮公曰也罷又呼乾茶曰未買公曰也罷客為捧腹時因號陳也罷

陳師召擢南京太常門生會餞有垂涕者李西涯

大學士在席為句云師弟重公難不陞他太常

卿也罷公應聲曰君臣難際會便除我大學士

何妨一座絕倒

師召後召為翰林學士同官投刺招飲明日公忘為誰乘馬漫

行一給事中設席公曰招我者此也遂入席頃之同官使人來速夫人曰此必胡撞不知投誰

家矣汝認所乘馬可覓也使者踪跡見公公曰
我誤我誤又嘗檢書得友人招飲帖師令忘其
昔所藏也如期而往累茶不退主人請其來故
答曰赴君飲耳主人訝之而難於致詰具酒共
酌席罷方悟去年今日曾邀陳也又嘗自院中
歸語從者曰今日訪某官從者不聞引轡歸舍
師召謂至某官家矣升堂周覽曰境界全似吾
家何也又觀壁間畫曰是我家物何緣在此其
僕疑以告其夫人出視之公訝
曰何為亦在此士林傳以為笑

陳師召時苦吟重九會白雲觀分韻得然字詩云
一長春宮殿鎖寒烟駐馬斜陽錦樹邊白鶴不歸
雲影外黃花仍發酒杯前龍山又落衆軍帽藍

水長歌子。美篇聚散幾回時。序別。令人對此一
茫然。

陳師召在內直。誤繫李西涯牙牌角帶。以去西涯
戲以詩曰。倦摩雙眼出長安。束帶懸魚總誤看。
裝飾不嫌非異物。標題猶喜是同官。酒防太白
狂時換。腰愧休文病後寬。堪笑玉堂叢話裏。向
來詩筆幾曾乾。
師召嘗清旦入朝。誤寢冠纓於背。及覩同列垂纓俯視。領下駭曰。公等悉冠纓。而吾獨無。何也。一人遽待其纓而正之。曰。公自有纓。獨無背後眼耳。諸公大噱。

陳槐齋在南京嘗有夢中詩寄李西涯李戲荅之
曰舉世空驚夢一場功名無地不黃梁憑君莫
向癡人說說向癡人夢轉長

陳師召官四品時夫人爲鬻得金獅緋袍不知爲
武臣服色公亦竟不察一日命工肖像公整容
服獅袍而坐李西涯適至因乞爲贊西涯遽題
曰觀其鬢則齊觀其衣則非若人也可信而可
疑使逢其鬢更其衣嗚呼庶幾

西涯嘗戲陳師
召辭戲予得么

則指曰吾度其下是六反之果六也各色皆然
師召大驚語人曰賓之天才也或諭之曰彼結
公可上么下六自是定數何足為異師召笑曰
然則我亦可為因詣西涯告之西涯已先度其
必至別製六散錯亂其數矣師召
屢商不中乃嘆曰兄真不可及也

程敏政

字克勤號篁墩
羅倫榜第二

程敏政以神童至京李賢學士許妻以女因畱飯

李指席間果出一對曰因荷何而得藕偶程應

聲曰有杏幸不須梅媒李大奇之

李西涯與程篁墩過采石李得句云五風十雨梅

黃節程即應云二水三山李白詩一時服其巧麗

弘治改元七月文華後殿講書畢上賜講臣程

敏政等各織金緋衣金帶及紗帽烏靴皆叩頭

謝訖上顧謂曰先生辛苦咸對曰此皆職分

當爲頓首而退敏政有詩記之曰映日呆愚曉

殿深湛恩稠疊駕親臨褒衣紅濯天機錦束帶

黃人叩節金久幸清班容官履漸慚華髮點朝

替經生職分尋常事消得君王念苦辛。

弘治己未程篁墩主考會試以言者去位未幾發
背卒是年京師有雪夜祈仙者先生至降筆云
夜偕東坡遊聞有召仙者予亦謫仙流也事之
不偶殆有甚焉詩以紀之因書一絕云江山何
日許重來白骨青林事可哀吾黨莫言清夢遠
海東東更有蓬萊又二律云紫閣功名近已休
文章空自壓儒流孤忠敢許懸天日浩氣還堪

射斗牛。蘇子蟄松遭衆謫。杜陵荒草喚窮愁。乾
坤不盡江流意。回首青山一故丘。又云斯文今
古不堪哀。道學真傳已作灰。鴻鴈未高羅網合。
麒麟偶見信時猜。迅雷不啓金滕惑。紫電誰憐
武庫才。此氣那同芳草合。渾淪來往共盈虧。

程主

考曰其第三問策題程所出以四子造請為問
計魯齋一段出劉靜修退齋記士子多不通曉
程得一卷甚異之將以為魁而京城內外盛傳
其人先得題意乃程有所私為華給事中景等
所訪謂私徐經唐寅等一上命李公覆閱遲三
日始揭曉言路復論列欲窮治之上怒下節

給事中林廷玉等于獄落言官數人職而程亦致仕以去又聞弘治時南京龍覲精於文義中壬子書魁乙卯代金都御史澤子達入試浙場中第八又與同中甲科人有詩嘲之曰阿翁一自轉都堂百計千方幹入場金澤財多子孫劣龍覲家窮手兒長有錢使得鬼推磨無學却將人頂缸寄與兩京言路者好排闥闥說彈章其詩盛傳於時後二人皆不容於清議一止浙僉一止太僕丞今科場要令批首立貢院門內辨閱同試者而貌方入蓋由此始聞入試日亦甚秘密惟有一人見其鬚不類心頗疑之始傳其事云

邵珪

字文敬宜興人在郎署日自號東曹隱者

邵文敬爲童子時塾師出對云柳暗鶯無語即對

云花慵蝶有愁師以爲工及登第後與翰林諸
公賦春陰詩即用此作一聯云春雲黯黯閣林
頭雨意兼旬尚未收李白錦囊空好句杜陵玉
勒阻清遊長堤柳暗鶯無語上苑花慵蝶有愁
睡起不知簾幙午紙窗圍翠篆烟浮遂擅場

邵文敬善書工碁詩亦有新意如江流如白龍金
焦雙角短之類又有半江帆影落尊前之句人
稱爲邵半江

邵半江一日題陳圖南小像云盤陀石上淨無塵
岳色江聲共此身莫恠吳儂渾不醒百年俱是
夢中人詩成求質於李西涯西涯給之曰尚有
一二字欠穩待予更之西涯乃默記竊爲已有
先題吳公畫上後邵公見之撫掌大咲

邵文敬字體閒愛蘇書李西涯亦以蘇書答之跋
云戲效東曹新體邵誤以爲效其詩作依字韻
詩抵西涯首句云東曹新體古來稀西涯因戲

次其韻曰東曹新體古來稀。此意茫然失所歸。
字擬坡書聊共戲。詩於崑法敢相譏。休誇騷裏
才無敵。未必葫蘆樣可依。却問琴塲諸國手。何
來門下幾傳衣。相與大笑而罷。

邵東曹墮馬傷足。李西涯次秦武昌韻。謔之十年。
雙足躡詞塲。我亦憐君墜後傷。歷塊敢誇千里
俊。乘船翻笑四明狂。扶顛老僕空隨路。學仆嬌
兒更倚堂。應似崔家亭下鷺。獨拳秋雨向寒塘。

天順朝某國貢名馬云能搏虎 英廟命置虎城

中虎鬪不勝死邵文敬賦得馬鬪虎曰天門名
馬真龍媒萬里新自流沙來先皇知爾才磊落
放入虎圈與虎搏霜蹄蹴踏虎即斃英風颯爽
來天際當時觀者應嘆嗟唐家豈有拳毛騮

楊光溥

莒州人邵文敬同年進士
仕至山西按察司副使

楊光溥有味梅集句百首其最可稱者北風萬木
正蒼蒼粉色凌寒透薄妝嚼蕊不妨浮白飲愛

閑猶有和詩。忙月來。忽送闌干影。風過還聞遠。
近香最是一年春好處。數株如玉。照寒塘。又聞
道春還已有期。梅花一夜遍南枝。不嫌艷杏天。
桃俗。長愛蠻烟瘴雨欺。狂客興多。惟載酒閒身。
事少。只題詩。干林掃迹。愁無奈。羌管淒涼更忍
吹。又花開正屬小春時。一氣纔新物未知。嶺外
江南千萬樹。小牕斜日雨。三枝臨溪照影。為誰
好。步月聞香。每自疑。幸有微吟可相狎。詩人所

賞是風姿。又怕愁貪睡。獨開遲。政爾寒陰慘淡。
時姑射仙人。冰作體。漢家公主。玉爲肌。蒼松翠
竹。爲三友。流水空山。見一枝。不比西園。艷桃杏。
等閑開落。只春知。同時錢唐沈行。亦有百二十
首。其可稱者。梅花不肯。芴春光。百卉前頭第一。
芳信是。乾坤容。晚景亦知。草木有真香。踈踈籬
落。娟娟月淺淺。池塘短短牆。此際最宜。何處看。
孤山園裡。麗如妝。又青帝邀春。隔歲還分。香多

是畹中蘭。開花占得春風早。數朶先欺。滿雪寒
鬢。裊黃金。危欲墮。蒂凝紅。蠟綴初乾。林塘得爾
偏增價。無限行人立馬看。又南北枝頭。玉蕊皴
陽和。先已到孤根。看花弄水。聊爲樂賞。月吟風
不要論。欲賦妍華。無健筆。忍教落片點空尊。江
邊一樹垂垂發。粉蝶如知。合斷魂。又且喜春光
動物華。數枝妝點野人家。謾疑海上神仙侶。不
是人間玉樹花。又恐好枝爲雪壓。故生幽處被

雲遮遲遲欲去猶回望。援筆題詩到日斜。行又
套集句百二十首垂柳陰陰畫掩扉流鶯百轉
最高枝春闌多少關心事夫壻多情亦未知又
宿雨厭厭睡起遲曉鶯啼斷綠楊枝夢中無限
風流事盡在停針不語時又紅芳落盡井邊桃
病酒慙々日正高瓦天朱樓閒倚掩靜看燕子
壘新巢又細草春莎沒繡鞋閒尋女伴過西家
春風不管人憔悴開遍薔薇一樹花又水雪肌
膚力不勝酷憐風月為多情自慚不及鴛鴦侶
雙宿雙飛過一生又倚闌無語倍傷情夜合花
開香滿庭羞管一聲何處笛細風斜雨不堪聽
又卽上孤舟妾上樓感時傷別思悠悠離心不
異西江水流到瓜州古渡頭又曉角昏鐘為底
忙怕黃昏後又昏黃近來欲睡兼難睡半是思
郎半恨郎又盡日無人偶倚樓愁來對鏡懶梳

堯山堂外紀卷八十七

二十七

頭深知身在情長在
轆得蕭郎愛遠遊
又香塵
微浣合懽鞋花影
無人自上階
折得一枝香
在手思君
簪向鳳凰鈿
又一更更盡
到三更水簾
銀牀夢不成
欲把傷心問明月
清光此夜為誰明

堯山堂外紀卷八十七